



Laura Táunâjik
Inatsisartunut ilaasortaq
Inatsisartut /MAANI

Tunumi misileraalluni aalisarneq pillugu § 37 naapertorlugu apeqqutinut nr. 2015-254-imiittunut akissutit

28-10-2015
Sags nr. 2015 - 14504
Akt. nr. 1453048

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqquteqaateqarputit. Apeqqutit uannut akineqartussanngortinneqarsimapput.

Postboks 269
3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl

www.naalakkersuisut.gl

Apeqqutit

- 1) Kilisaateeqqat Tasiilap nunaqarfiisalu eqqaani qassit sunillu misileraappat?
- 2) Taakkulu suminngaanneerpat?
- 3) Misileraanissaq qanga aallartippa, qaqugumullu killeqarpa?
- 4) Misileraaffiit suminngaanniit sumut killeqarpa?
- 5) Misileraasut pisatik sumut tuniniartarpaat? Qassillu tons-sit misileraanermi pisarineqarsinnaasutut tunniunneqarpa?
- 6) Aalisariut tunitsivissaq Tasiilap eqqaanut pisoq kikkunnit pigineqarpa?
- 7) Misileraasut kikkunnit nakkutigineqarpa?
- 8) Qassutit kivisittakkat misileraanermi atorineqarnissaat akuersissutinut ilaatinneqaramik?

Akissutit

1)-imut Tunumi sinerissamut qanittumi misilittaalluni aalisartoqarpoq, tassa imaappoq kangerlunniit avammut 3 sœmilinik killeqarfimmu imartami aalisarnissamut akuersissuteqartoqarsimavoq. Aalisakkanik assigiinngitsorpaalunnik aalisartoqarnissaanut akuersissuteqartoqarsimavoq, tassalu qaleralinnik, saarullinnik, suluppaakkanik, nataarnanik, brosmenik, saattussanik, qeeqqanik eqalunnillu. Akuersissummik pigisallit sisamat taamatut aalisarnissamut akuersissummik pisimapput, ataatsimullu isigalugu angallatit tallimat taamatut aalisarsimapput. Misileraalluni aalisarnikkut siunertaavoq Tunumi annertunerusumik sinerissamut qanittumi aalisartoqarnissaanut tunngavissaqarnerisooq paaserusunneqarmat. Erseqqissarneqassaaq angallatit tamakku ataatsimilluunniit kilisaatitaqanngimmata. Ningittagarzorluni, qassusersorluni imaluunniit pullasersorluni aalisarnissamut akuersissuteqartoqarpoq. Piujuartitsineq siunertarlugu aalisarnerup teknikikkut iluarsartuussivigineqarnera pillugu Nammersorlutik Oqartussat nalunaarutaat nr. 12, 17. november 2011-meersumi § 10 malillugu Kalaallit Nunaanni sinerissamut qanittumi qalorsuarsorluni aalisarnissaq inerteqqutaavoq.

2)-mut Angallatit taakku sisamat aalisarnermut taamaattumut peqataasut Savalimmiuneersuupput. Kalaallinuku ingerlatseqatigiiffiisa arlallit angallatit taakku taamatut suliaaqqartillugit attartorsimagaat.

3)-mut Augustip aallartinnerani misileraalluni aalisartoqalerpoq, akuersissullu ukiup naanissaanut atuulluni. Taamatut aalisarnissamut akuersissummik pigisaqartut

misissugassanik tiguisaqqusaapput Pinngortitaleriffimmut tunniunneqartussanik, taamatullu aalisarunnaarunik Naalakkersuisoqarfimmut nalunaarusiamik tunniusseqqusaallutik. Taamaalereerpat Naalakkersuisoqarfik soqutigisallit attuumassutillit peqatigalugit - soorlu Pinngortitaleriffik - naliliissaaq 2016-imi misileraalluni aalisaaqqittoqassanersoq, taamaassappallu misileraalluni aalisarnermut tunaartarisassat allanngortinneqartariaqassanersut.

4)-mut Tunumi sinerissamut qanittoq tamarmi misileraalluni aalisarfiusinnaavoq. Tassa imaappoq Tunu tamakkerlugu kangerlunni avammullu 3 sømilinik killeqarfik tikillugu.

5)-imut Naalakkersuisut angallatit sumiiffinnut immikkut toqqakkanut tunisaqartarnissaannut peqqunikuunngilaat. Annertunerusutigut Island tunitsivigineqartartoq takuneqarsinnaavoq. Qanoq annertutigisumik aalisartoqarnissaanut annerpaaffissaliisoqarnikuunngilaq. Tamatumunnga pissutaavoq imartat annertoorujussuit misissuiffigineqarsimanngimmata (tassa angallatit taakku atortuisut ittunik aalisarnermut atortoqarluni), taamaammat pingaaruteqarluni paasissallugu aalisagaqarnermoq aalisarfissaqarnermorluunniit siunissami aalisartoqalernissaanut niuernermit tunngatillugu periarfissaasinnaasunik. 2015-imi maannamuugallartoq 872 tonsit pisarineqarsimapput, saarulliunerusut, qaleraliunerusut qeeraanerussullu. Maannakkut angallat ataaseq sulii aalisarpoq.

6)-imut Angallat aalisartut tamaanimiut tunitsivigisinnaasaat tassaavoq Chr. Høy Kalaallit Nunaanni nalunaarsorsimasooq. Angallat Paarsisoq A/S-imit, taamatuttaaq Kalaallit Nunaanni nalunaarsorsimalluni ingerlatseqatigiiffimmit, pigineqarpoq.

7)-imut Kalaallit Nunaanni aalisarnertut allatuulli Kalaallit Nunaanni Aalisarsinnaanermut Akuersissutinik Nakkutilliisoqarfik aalisarnermik nakkutilliisuvoq. KANUAANA-p nalunaarutigaa angallatit Kalaallit Nunaanniillutik aalisarnerminni aalisarnermik nakkutilliisunik angallammiittoqartarsimasut.

8)-mut Qaleralinniarnermut qassutinik kivisittakkanik atuinissaq Kommuneqarfik Sermersuup sineriaata kangimut sammisortaani Kommuneqarfik Sermersuumi inuussutissarsiuutigalugu qaleralinniarneq pillugu lleqqoreqqusaq 26. november 2013-imeersoq malillugu ajornartitaanngilaq. Taamaammat qassutinik kivisittakkanik atuinissaq pillugu immikkut akuersissuteqartoqarsimanngilaq, inatsisillii nalinginnaasut maleqquneqaannarsimallutik.

Inussiarnersumik inuulluaqqusillunga

Karl-Kristian Kruse